

Uunga siunnersuut: Inuussutissarsiummik ingerlataqarneq pillugu Inatsisartut inatsisaat nr. xx, xx.xx 2015-imeersoq

(Inuussutissarsiornermut, Suliffeqarnermut Niuernermullu Naalakkersuisoq)

Akissutitut allakkiaq

(Inuussutissarsiornermut, Suliffeqarnermut Niuernermullu Naalakkersuisoq)

Aappassaanneerera

Isumaliutissiisummik sukumiisumik suliaqarsimanerannut Inuussutissarsiornermut Ataatsimiititaliaq Naalakkersuisut sinnerlugit qutsavigerusuppara, siunnersuummullu amerlanerussuteqartut tapersersuisuunerat paasivara.

Ataatsimiititaliaq isumaliutissiisummi ilaatigut oqariaaseq kalaallit suliffeqarfiutaat aamma inuussutissarsiorfimmum inatsisiliornermik pisariaqartitsinerit pillugit apeqqutinik suliaqarsimavoq. Apeqqutit pingaarutillit qaammarsaavigineqarput, siunissamilu isumaliutissiisut inuussutissarsiorfimmik suliaqarfimmum inatsisaasunik paasinnissinnaanissamut iluaqutaalluni ilapittuutaajumaarpoq.

Inuussutissarsiummik ingerlataqarneq pillugu inatsisissamut nutaamut siunnersuut kisimiissanngilaq, atuisartunullu inuiaqatigiinnilu aningaasaqarnermut iluaqutaasumik unammillerneq nukittorsarniarlugu inuussutissarsiuutinut inatsisaasunik nutarsaanissaq siunertarlugu Naalakkersuisut inuussutissarsiorfinnut politikikkut suliniutaannut ilaasutut isigineqassalluni.

Taamatut oqaaseqarlutik siunnersuut Inatsisartut akuersaartumik suliarinninnissaannut Naalakkersuisut tunniussipput.